



ՌՈՒՐԵՆ ՍԱՐԿԱՎԱԳ

ՍՈՒՐԲ ԷԶՄԻԱԾՆԻ ՄԻԱԲԱՆՈՒԹՅԱՆ ՄԱՍՆԱԿՑՈՒԹՅՈՒՆԸ ՀԱՅԿԱԿԱՆ ՍՍՌ ԳԵՐԱԳՈՒՅՆ ՍՈՎԵՏԻ ԸՆՏՐՈՒԹՅՈՒՆՆԵՐԻՆ

Բացվում և փետրվարի 25-ի խաղաղ, ձմեռային պայծառ առավոտը Մայրաքաղաքի ժամացույցի վեց համաչափ զարկերը ազդարարում են Հայկ. ՍՍՌ Գերագույն Սովետի ընտրությունների սկիզբը։

Մտովի սլանում են արեաշող Հայաստանի քաղաքներն ու գյուղերը, ավաններն ու շենքերը, մեր երիտասարդ ռեսպուբլիկայի նորակառույցները, քաղցրաժպիտ Սևանից մինչև Ղափանի գործարանները, Արարատյան ընդարձակ դաշտավայրի սիրտ, վարդագույն ու լուսակերտ չքնաղ նրևանից մինչև մեր խրոխտ ու վեհ լեռները, կոլտնտեսություններն ու դաշտերը, և քո առաջ բացվում է մի հիասքանչ վեհություն, քո հարազատ Հայրենիքի կենսատու արտի բաբախյալուն են լսում ամենուրեք, Վեհ է ու նվիրական փետրվարի 25-ի օրը. ժողովուրդը ընտրում է իր պետական քաղաքագույն օրգանը։

Երբեմնի բազմաշարժար հայ ժողովուրդը, որը դարեր շարունակ երազել է ունենալ իր ամուր պետականությունը, երազել է ազատագրված տեղանքի իր Մայր Հայրենիքը օտարների խժոժություններից, այսօր ամենայն իրավամբ ունի իր անկախ պետականությունը, ունի իր ազատ ու նոր, լուսազարդ Հայրենիքը, տերն է իր այսօրվա շքեղ ներկային և գալիք լուսակառույց ու պայծառ ապագային, իր սիրասուն զավակների բերանով իր ձայնն է տալիս իր հարազատ ընտրությանը, քվեարկում է իր նոր պետականության օգտին։

Միանգամայն հավասարության սկզբունքների վրա հիմնված ընտրությունները հանդիսանում են երկրի աշխատավորների ուժերի ստույգատեսի օրը, ուր երևան է գալիս Հայրենիքի անձնվեր զավակների ուժերի համախմբվածությունն ու միասնականությունը։

Ձայն բազմաճյուղի Հայրենիքի, ընտրում է ժողովուրդը նրանց, որոնք իր ծոցից են դուրս եկել, որոնք հավատարիմ են ժողովրդին և որոնք յավագույն արտահայտողն ու պաշտպանը պիտի լինեն ժողովրդի մաքուր ու սրբազան իղձերի։ Ով ծառայում է իր ժողովրդին, ծառայում է իր Հայրենիքին։

Ժողովուրդը լիիրավ տերն է իր իրավասությունների, նա կարող է հետ կանչել դեպուտատին, եթե նա իրեն չի արդարացնում։

Ահա թե ինչպիսի՜ դեմոկրատիկ սկզբունքների վրա են հիմնված Հայկ. ՍՍՌ Գերագույն Սովետի ընտրությունները։

Առավոտյան նշանակված ժամին սկսվել է ընտրությունը, Խուռն բազմությամբ դեպի ընտրական տեղամասերն են շտապում ռեսպուբլիկայի քաղաքացիները, բազմազան պրոֆեսիաների տեր մարդիկ, սովետական երկրի մարդիկ, բոլորն էլ կյանքով ու եռանդով լի, պայքարի ու հաղթանակի երջանկավետ ժպիտը նրաներին, իրենց մաքուր խիղճն ու հոգին դրած ընտրական թերթիկներին մեջ, գալիս են նրանք քվեարկելու գալիք մեծ օրվա համար, խաղաղության համար։

Նույնպիսի ուրախ եռուզեռ է տիրում նաև Ս. Էջմիածնում։ Մայր Աթոռի միաբանությունը այսօր արտակարգ ցնծության մեջ է։

Ժաման արդեն 11-ն անց է, Մայր Տաճարում, սկսել է կիրակնօրյա Ս. Պատարագը, Հավատացյալները Տաճարում ծնրադիր աղոթում են, տիրում է մի պահ խորհրդավոր լռություն, և հանկարծ այդ խորհրդավոր լռությունը խզում է պատարագի քահանայի հուզմունքից դողացող ու կերկրեղուն ձայնը։

— Խաղաղութի՜ւն ամենեցուն։

Նվ այդ ձայնը այլք առ այլք տարածվում է Տաճարում, հասնում յուրաքանչյուրին և

ստիպում մտածել խաղաղության մասին, խաղաղության մեջ խտացված է միլիոնների սրտի բարախյունը, տենչանքը, խաղաղասեր մարդկության լավագույն ցանկությունը, կամքն ու աշխատանքը:

Դարեր շարունակ ազատատենչ, շինարար ու խաղաղասեր ժողովուրդների շրթունքին դրոշմված է եղել այդ սրբազան բառը՝ խաղաղություն:

Դրսում պարզ, բերետ եղանակ է: Օգը լի է մի բերկրալից և ցնծալի ուրախությամբ: Հսկում է Մայր Տաճարի զանգերի ախորժալուր ղողանջունը, ձայններ վնտվնտում են, ուրտի թրթռում օդում և տարածվում հեռավոր հորիզոններում:

Այդ ուրախ հնչյունների մեջ լսում են Մայր Հայրենիքի հավերժության և խաղաղության սրբազան ձայնը:

Վերջանում է Ս. Պատարագը, Տաճարից արդեն լսվում են ռիթմիկ օրհնես զայնոսիկ...» վեհապանծ աղոթքի մրմունջները: «Ձխաղաղութիւն պարզեմ ամենայն աշխարհի...», — շարունակում է պատարագիչը:

Որքա՞ն արդիական է հնչում այսօր Հայ առաքելավանդ Եկեղեցու Ս. Պատարագը: Այն համայն խաղաղասեր մարդկության խաղաղասիրական, մարդասիրական վեհ ցանկությունն ու սրբազան իղձն է վերաօգնած Ամենաբարձրալիք: Ահա մի վեհ կոչ է ընդդեմ մարդատյացության, ընդդեմ ժողովուրդների եղբայրասպան պատերազմի, ավերի, սովի և թշվառության:

Ու. Պատարագից հետո, Մայր Աթոռի միաբանները հավաքվում են, և Հոգևոր Ժեմարանի ուսանողների և դասախոսների հետ թափոր կազմելով, հանդիսավոր կերպով ճանապարհ ընկնում դեպի ընտրական տեղամասի շենքը, որտեղ հասնելով, նույն հանդիսավորությամբ բարձրանում են վեր, վերցնելով քվեաթերթիկները, մտնում են շքեղորեն զարդարված սրահ, ուր դրված է քվեատուփը և նստած են հանձնաժողովի անդամները: Մեկը մյուսի հետևից քվեա-

տուփին են մոտենում միաբանության անդամները ըստ ավագության, և գցելով քվեատուփի մեջ իրենց թերթիկները, օրհնում են և սոհության ժպտը երեսներին՝ դուրս դալիս: Նրանց հետևում են Հոգևոր Ժեմարանի ուսանողները:

Մայր Աթոռի միաբանության և Հոգևոր Ժեմարանի ուսանողության հանդիսավոր թափորը արդեն հետ է վերադառնում: Քայլում են բոլորը և խորհում այն մասին, թե որքա՞ն բարձր է գնահատվում մեր երկրում մարդը, որքա՞ն բարձրաթիվ է նա իր հիսնքանչ ձգտումներով, ամենօրյա աշխատանքի, պայքարի ու հաղթանակի տենչերով:

Հայ հոգևորականը, այսօր ամենից շատ, իր իրավունքների լիակատար տերն է, նա կանգնած է իր իսկական բարձրության վրա: Այսօր նա երկրի հարյուր հազարների հետ ընտրում է իր Հայրենիքի գերագույն օրհանը, որպես իր Հայրենիքի լիիրավ քաղաքացի: Պարտքի խորը և լրիվ գիտակցությամբ է կատարում նա իր քաղաքացիական սրբազան պարտքը: Այսօր նա քվեարկելով ժողովրդի ընտրելիների օգտին, դիտե, որ քվեարկում է իր հարազատ սյետության օգտին, իր Հայրենիքի տնտեսական հզոր վերելքի օգտին և համայն աշխարհի խաղաղության օգտին:

Հայ եկեղեցականի այս գիտակից մոտեցումը համաժողովրդական ընտրություններին լավագույն ապացույցն է ա՛յն բանի, որ նա ամուր կանգնած է իր հարազատ ժողովրդի կողքին, զորավիգ ու պաշտպան իր Հայրենիքին:

Հայ հոգևորականը իր մասնակցությունը ցուցադրելով հանդերձ, ոգևորվում է իր լուսաշող Հայրենիքի նորանոր նվաճումներով և անբիծ ու մաքուր հոգով օրհնում ու աղոթում նրա բարօրության համար:

Ուրեմն թո՛ղ օրհնյալ լինի ամենակարող Աստուծո սուրբ կամքը:

Թո՛ղ ծաղկի ու բարգավաճի մեր նվիրական Մայր Հայրենիքը:

